



Broj: 08-01-03.2-3-945/23

Tuzla, 06.01.2025. godine

Ministarstvo unutrašnjih poslova Tuzlanskog kantona, rješavajući po zahtjevu za pristup informacijama podnosioca Udruženje građana „Ne diskriminacija, ne mobing“ koje zastupa predsjednik Baraković Emir, na osnovu člana 14. stav 1. i 2. Zakona o slobodi pristupa informacijama u Federaciji Bosne i Hercegovine ("Službene novine Federacije BiH", broj: 32/01 i 48/11) i člana 200. stav 1. Zakona o upravnom postupku Federacije Bosne i Hercegovine ("Službene novine Federacije BiH", broj: 2/98, 48/99 i 61/22), d o n o s i:

RJEŠENJE

- I. **ODOBRAVA SE** podnosiocu zahtjeva pristup informacijama kojima raspolaže Ministarstvo unutrašnjih poslova Tuzlanskog kantona, na način što se dostavljaju fco. Ugovora o zakupu poslovnih prostora za fizičkim i pravnim licima kao i fco. Pravnih osnova na osnovu kojih su se sklapali ugovori.
- II. Dostavljanje fotokopija dokumentacije navedene u stavu I. dispozitiva (osim prvih deset stranica), izvršit će se nakon uplate troškova umnožavanja od strane podnosioca zahtjeva.

Obrazloženje

Ministarstvo unutrašnjih poslova Tuzlanskog kantona, dana 07.12.2023. godine, zaprimilo je zahtjev Udruženja građana „Ne diskriminacija, ne mobing“ koje zastupa predsjednik Baraković Emir, kojim traže da im se dostave podaci da li je Ministarstvo unutrašnjih poslova Tuzlanskog kantona sklapalo ugovore o zakupu poslovnih prostora sa fizičkim ili pravnim licima i koji su pravni osnovi na osnovu kojih su se sklapali ugovori, te da im se ukoliko postoje navedene vrste ugovora dostave kopije tih ugovora kao i dokumenti pravnih osnova za ugovaranje istih.

Prvostepeni organ je postupajući po predmetnom zahtjevu, rješenjem broj 08-01-03.2-3-945/23 od 05.01.2024. godine, obavijestio podnosioca zahtjeva da zahtjev kojim su se obratili ne može biti obrađen iz razloga što ne sadrži valjan pravni osnov o postojanju svrhe i pravnog osnova za korištenje ličnog podatka, obzirom da podaci koji se traže zahtjevom sadrže lične podatke koji se odnose na fizička lica.

Na navedeno rješenje, dana 22.01.2024. godine, Udruženje građana „Ne diskriminacija, ne mobing“ koje zastupa predsjednik Baraković Emir, uložilo je žalbu, a drugostepeni organ je istu odbio rješenjem broj: 08-03-03.2-3-9/24 od 13.02.2024. godine.

Udruženje građana „Ne diskriminacija, ne mobing“ koje zastupa predsjednik Baraković Emir podnijelo je protiv konačnog akta u upravnom postupku koji se vodio pred Ministarstvom unutrašnjih poslova tužbu Kantonalnom sudu u Tuzli povodom koje je isti donio Presudu broj 03 0 U 024570 24 U od 23.12.2024. godine.

Navedenom Presudom, Kantonalni sud u Tuzli, uvažio je tužbu tužitelja, te je osporeni akt tuženog koji je bliže opisan u uvodu presude (drugostepeno rješenje), kao i prvostepeni akt Ministarstva

unutrašnjih poslova Tuzlanskog kantona broj 08-01-03.2-3-945/23 od 05.01.2024. godine, poništio te predmet vratio tuženom na ponovno rješavanje.

Po mišljenju suda, u konkretnom slučaju, radi se o opravdanom javnom interesu za pristup informacijama i da tužitelj, kao udruženje građana, ima pravo da sazna informaciju, da li je Ministarstvo unutrašnjih poslova Tuzlanskog kantona, kao javni organ, u skladu sa Zakonom o zakupu poslovnih zgrada i prostorija zaključivao ugovore o zakupu poslovnih prostora, koji su pravni osnovi na osnovu kojih su se sklapali ti ugovori, te ukoliko su postojale navedene vrste ugovora da mu se dostave kopije tih ugovora kao i dokumenti pravnih osnova za ugovaranje istih, a sve u skladu sa odredbom člana 4. Zakona o slobodi pristupa informacijama, Takođe, po mišljenju suda, tražene informacije tuženi može dostaviti tužitelju, tako što će dio, za koji misli da su lični podaci, iste izostaviti, na način da će ih zamagliti ili na drugi način učiniti nevidljivim.

Nakon zaprimljenog zahtjeva, a postupajući po uputama Kantonalnog suda u Tuzli datih u Presudi broj 03 0 U 024570 24 U od 23.12.2024. godine, te nakon ostvarenog uvida u isti, utvrđeno je da su ispunjeni formalni uslovi propisani članom 11. Zakona o slobodi pristupa informacijama u Federaciji Bosne i Hercegovine, te da ne postoje razlozi za uskraćivanje pružanja tražene informacije u smislu odredaba člana 6., 7. i 8. Zakona o slobodi pristupa informacijama u Federaciji Bosne i Hercegovine.

Shodno navedenom, u ponovnom postupku, preduzete su sve potrebne radnje u cilju pribavljanja traženih informacija.

U prilogu Rješenja dostavljamo Vam sljedeće dokumente u fotokopiji : Ugovor o zakupu poslovnog prostora od 06.03.2023. godine za prostor koji se nalazi u ulici Vukovarska br. 23., ukupne površine 550 m² uz prilog: Aneks Ugovora o zakupu poslovnog prostora od 17.04.2023. godine, Aneks II Ugovora o zakupu poslovnog prostora od 11.05.2023. godine i Aneks III Ugovora o zakupu poslovnog prostora od 26.05.2023. godine, te fco. Ugovora o partnerstvu, servisiranju i pružanju usluga izdavanja ličnih dokumenata na lokacijama poštanskog operatera zaključen u Tuzli, dana 05.01.2009. godine između 1. „JP BH POŠTA“ d.o.o. Sarajevo, Centar pošta Tuzla, ulica Aleja Alije Izetbegovića br. 29., (Poštanski operater) i 2. Ministarstvo unutrašnjih poslova Tuzlanskog kantona, sa sjedištem u Tuzli, ulica Turalibegova b.b., (MUP TK) uz Prilog br. 1.; Aneks 1 Ugovora o partnerstvu, servisiranju i pružanju usluga izdavanja ličnih dokumenata na lokacijama poštanskog operatera od 27.12.2010. godine; Aneks 2 Ugovora o partnerstvu, servisiranju i pružanju usluga izdavanja ličnih dokumenata na lokacijama poštanskog operatera od 28.12.2012. godine uz Prilog br. 1. (2x); Aneks 3 Ugovora o partnerstvu, servisiranju i pružanju usluga izdavanja ličnih dokumenata na lokacijama poštanskog operatera od 23.12.2014. godine uz Prilog br. 1.; Aneks 4 Ugovora o partnerstvu, servisiranju i pružanju usluga izdavanja ličnih dokumenata na lokacijama poštanskog operatera od 2016. godine uz Prilog br. 1.; Aneks 5 Ugovora o partnerstvu, servisiranju i pružanju usluga izdavanja ličnih dokumenata na lokacijama poštanskog operatera od 02.04.2018. godine uz Prilog br. 1.; Aneks 6 Ugovora o partnerstvu, servisiranju i pružanju usluga izdavanja ličnih dokumenata na lokacijama poštanskog operatera od 24.03.2020. godine uz Prilog br. 1.; Aneks 7 Ugovora o partnerstvu, servisiranju i pružanju usluga izdavanja ličnih dokumenata na lokacijama poštanskog operatera od 27.12.2021. godine uz Prilog br. 1.; Memorandum o razumijevanju od 2008. godine, Odluku o davanju saglasnosti Vlade Tuzlanskog kantona broj 02/1-04-3646/23 od 21.02.2023. godine i Odluku o davanju saglasnosti Vlade Tuzlanskog kantona broj 02/1-11-13906/23 od 06.06.2023. godine.

U skladu sa članom 16. Zakona o slobodi pristupa informacijama u Federaciji Bosne i Hercegovine, javni organ ne naplaćuje naknadu za podnese zahtjeve, rješenja ili obavještenja. Cijena se određuje samo za troškove umnožavanja, a za standardnu veličinu fotokopija prvih deset stranica troškovi se ne naplaćuju.

Na osnovu Uputstva za provođenje Zakona o slobodi pristupa informacijama u Federaciji Bosne i Hercegovine („Službene novine Federacije BiH“ broj 57/01), cijena troškova umnožavanja zahtijevane informacije iznosi 0,50 KM za svaku stranicu standardne veličine.

U predmetnom zahtjevu utvrđeno je da tražena informacija u obliku fco. Ugovora o zakupu poslovnih prostora za fizičkim i pravnim licima kao i fco. Pravnih osnova na osnovu kojih su se sklapali ugovori iznosi 33 (tridesettri) stranica standardne veličine, dakle prelazi broj stranica za koje se troškovi ne naplaćuju (prvih deset stranica besplatno), te je podnosioc zahtjeva obavezan shodno članu 16. Zakona o slobodi pristupa informacijama u Federaciji Bosne i Hercegovine uplatiti troškove umnožavanja ovom organu uprave za 23 (dvadesettri) stranice. Podnosiocu zahtjeva, ili licu koje on ovlasti, u prostorijama zgrade Ministarstva unutrašnjih poslova Tuzlanskog kantona, uz prethodnu najavu službeniku za pristup informacijama, dostavit će se navedena dokumentacija tek nakon izvršene uplate troškova umnožavanja (svrha doznake: Naknada troškova umnožavanja informacije, primalac: Budžet TK-a, račun primaoca: 1321000256000080, vrsta prihoda: 722121, općina: 094), a shodno odredbama Uputstva za provođenje Zakona o slobodi pristupa informacijama u Federaciji Bosne i Hercegovine.

Na osnovu izloženog riješeno je kao u dispozitivu rješenja.

Pouka o pravnom lijeku :

Protiv ovog rješenja može se izjaviti žalba Ministarstvu unutrašnjih poslova Tuzlanskog kantona, u roku od 15 dana od dana dostavljanja ovog rješenja. Žalba se predaje ovom Ministarstvu a može se izjaviti usmeno na zapisnik ili se šalje poštom preporučeno, taksirana sa 10 KM administrativne takse po tarifnom broju 3. Zakona o kantonalnim administrativnim taksama ("Službene novine Tuzlanskog kantona", broj: 6/12 - prečišćeni tekst, 15/13, 10/18).

DOSTAVITI:

1. Udruženje građana „Ne diskriminacija ne mobing“
ul. Mustafe Hukića br. 33., Tuzla
2. a/a



**PO OVLAŠTENJU MINISTRA
POMOĆNIK MINISTRA**

Jasmina Đulović